



# Bájkkeavijssa NuorttaSálto

## Julevsáme jiena Dutkamráden

■ Árrana seniordutke Oddmund Andersen le välljduvvam ádá sebrulattjan Dutkeráde sáme dutkama prográmmadoajmmaj. Dát vadda julevsáme guovlo sáme dutkamav ájnas ja ádá jienav – ájnas juohkusin.

Duodden le Sámedikke Ann Irene Sæter, kontávrájn Ájluovtan, gænna le váksjárstáhtus sæmmi prográmmadájman, ja dajnas aj julevsáme máhtudagáj ja dárboj birra viehkedit.

- Valla mån ájrastav Sámedikkev ja Sámedikkerádev prográmmadájman, ij sierraláhkáj julevsáme guovlov, dættot Sæter, gænna le hállamriektá, valla ij la sujna jienastimriektá stivran.

Jienastimriektá le gal Oddmund Andersin. Suv mielas le ájnas julevsáme guovllo ja Nordlándda oadtju Dutkamráden vájkkudit. De le máhttelisvuohta bájnedit gási dárja dutkamprosjevtajda juogeduvvá.

- Vájku stivran diehttelis le alemus ávdásvástádus álles sámeednamis, de le munji ájnas tjalmosit sierraláhkáj julevsáme guovlov ja Nordlándav, ja viehkken liehket dárjav áttjudittjat mijá guovlon, subtsas sán. Dutkamráde le ávdebut aktisasj bargov doarjjam «Etniske relasjonjer i nordre Nordland i historisk perspektiv», mij UIT:a professor Lars Ivar Hansenis jádeduváj, valla háldaduváj Árranis. Dát 4-jahkásasj prosjækta, gánná Oddmund Andersen lij ájnas oasse, tjádáduvváj moadda jage dás ávdáda. Dálle doajvvo Andersen ádá, bájkálasj prosjevtá doarjoduvvi Dutkamráde baktu.

Ájnnaamos ulmme Dutkamráde prográmmán sáme dutkama hárráj le sáme dutkamav nannit, sihke lågoj ja kvalitehta gáktuj. Sávví sámij sebrudagá valjesvuodav ja variasjávnav tjuovgadit. Prográmma gálggá gábtjtáj dutkamsuorgijt giella, girjálásjuohta, kulturávdánbuktem, demográfia, vies-somdille ja viessomkvalitehtta, njálmálasj árbbedáhpe ja árbbedábálasj máhtudáhka, máná ja nuora, ressurja ja riektádille jaadá ájggásasj sáme



Tæksta: Børge Strandskog  
Járggálibme: Divte Media AS

sebrudagá tsieggim. Prográmma le gasskamutton ietjas 10-jahkásasj plávan 2007-2017, ja rudá ma ruvva almoduvvi, badjelasj 20 milijávná, aneduvvá prográmma mañemus, stuorra almodusán.

- Prográmmán le vijdes dutkamsuorgge ja tiemá, ja rudá ruvva almoduvvi. Rudá juogeduvvá dutkamprosjevtajda ja doktorgrádstipendajda, ja duodden aj almodibme ja ásadusdoarjjan. Almodibme gábtjtáj gájkka prográmma tiemájt, subtsas Oddmund Andersen.

Áhtsámusájggemierre le ragátmáno 4. bieje, ja ádá prosjevtá máhtti de álgaduvvat guovvamánno 1. bieje rájes 2014.

